

MY BIBLE FIRST

PRIMARY YEAR A
Q 3 #27

Pasian' Ni Thupi Ni Phawk In

SUNDAY

1 Pasian' thukham sawmte pen itna thu vive hi. Amasa lite in Pasian koici it ding cih hong gen a, a nunung gukte in khat-le-khat ciat ki-it dan ding hong gen hi. Tukul in thukham a lina pen i en ding hi. Thukham sawmte' laizang ah om hi. Sim in lotngah a gen kipat sawm ni. **Paikhiatna 20:8-11.**

Aneu 11 simkik in. Tua kammalte in, a beisa kum tampi lai-a bangmah lo pana Pasian' piansakna kammalte hong phawk hilo hiam? **Piancilna 2:2, 3** sim in. Piancil a kipan-in Pasian' thukhamte a kikheel hiam?

Mikhat i it ciangin amau tawh omkhawm nuam-in hun i zangkhawm nuam hi. Adam le Eve a kipan piangsak-Pa a itte khempeuh in Sabbath it hi, banghang hiam cihleh Pasian tawh ni tuamvilvel a zatkhop ni uh hi. Cain tate leh Satan nung a zuite khempeuh in Piangsakpa mudah uh-a, Sabbath ni-in Amah tawh hun zangkhawm nuamlo uh hi. Sabbath ni tanna pen a tuam vilvel lim hi a, amau adingin Pasian in leitung a bawlsak a lungdamte leh Pasian a itte lim lahna ahi hi. Hih thu **Ezekiel 20:12, 20** sungah limtak-in sim in.

Israel mite Egypt gam ah a pai masak lai un Pasian' thukham zuihpén haksa lo hi. Joseph pen gamuk mangpi hi a, Pharaoh pen amaute tungah thudik hi.

Ahih hangin Joseph leh adik Pharaoh a sih khit ciangin na khempeuh kilaih hi. A tawpna ah, Egypt mite in Israel-te pen sila in nei a, amaute tungah gilo mahmah uh hi. Sabbath ni hita leh nisim in na a sepkei uh leh bawlsia gawp uh hi. Mi tampite lau in Sabbath ni tan' sawm nawnlo uh hi. Ahi zongin mi tawmkhat in Pasian tungah citak takin om uh hi.



KAMNGAH

Ka Sabbath na tang ding uh hi. Tua in kei le note kikal ah khang sawnsawnte dongin lim ahi ding hi. **Paikhiatna 31:13.**

My Sabbaths you shall keep, for it is a sign between Me and you throughout your generations. Exodus 31:13

Amaute in Pasian muangin Sabbath ni-in Pasian tawh hun a zat khop ding uh ahi hi. Pasian in a mite it in amaute suakta in a lungdam ding uh deih hi. Pasian in Egypt gam-ah Moses sawlkik-a, amaute in Pasian a muan uh leh Amah'n honkhia in Sabbath a kipan Ama thukhamte a zuih zawh nangun huh ding hi, cisak hi.

Mite in Sabbath ni-in Pasian tawh hun hong zatkhop leuleu uh ciangin Pharaoh heh hi. Amaute a thadah man uh hi, ci hi. Nidang sangin na nakpi-in semsak zaw hi. **Paikhiatna 5:4-9.** Tu in Sinai ah Pasian in amaute suaktasak hi. Pasian it-in, muang in, a thuman ding uh a sinkawm un Sabbath a zatsim un Pasian in amaute in suahtakna a neih ding uh a deihsak lam phawk tawntung ding uh hi.



NGAIHSUN-IN: Sabbath na tanna in Pasian it a, Amah na muanna lim mah ahi lai hiam?

MONDAY

2 Thukham lina sung panin bangzah na lotngah khin hiam? Thukham lina sungah phawkin a acih pen bang hiam? "Phawk" cihleh "mangngilh ke'n" cihte a khatna a kibang hiam? Tuni in banghang

in Pasion in i phawk ding deih a, Satan in i mangngilh ding deih hiam cih thu ngaihsun ni.

A masa in Pasion in phawk dinga hong deih thu nihte bangteng hiam sim in. **Paikhiatna 20:8.** Pasion in bangni a gen hiam? Eite in koici tan' ding i hiam?


Aneu 9 sim in. Ei nasepte i sep ding ni bangzah sungteng hiam? Tua sungtengin i nasep bangzah sem i hiam?

Aneu 10 sim in. Sabbath ni pen bang ni hiam? Calendar en in. A nisagih ni Saturday (Sabbath) ahi hiam? Tua ni, ni tuamdeuh a hihna ahang a om hiam? A ni dangtengin nasep gim ding himah leh, Sabbathni ciangin i tawlnga hiam? Pasion in i tawlngak ding hong deih sak hiam? Hih tawlngakna pen mihingte' ading bek hiam? Ganhingte zong ahih lam na phawk kha hiam?


Aneu 11 simin. Pasion in hih leitung a bawl na ding in ni bangzah sawt hiam? A nisagihni in bang hih hiam? Pasion in bang thu namnih hang in tuani ni tuamvilvel hisak hiam?

Jesu in leitung a bawl lam Satan in mihingte theih ding adeih hiam? Amah'n leitung pen kum awn tampi tak teh a piang pan dan in mite umsak leh hilh nuam a, ama thu a hong piangziau danin gen hi.

Mihingte in Pasion a biak uh sangin Pasion' bawlsa nate a biak ding uh Satan in deih hi. Mihingte in Pasion tawh hun a zatkhop ding uh Satan in deihlo hi.

 **NGAIHSUN-IN:** *Banghang in Satan in hih thupiak mihingte zuisak nuam lo hiding hiam? Mi tampite in Pasion' ni tuamvilvel Sabbath thu a theih loh uh bangzah ta-in dahhuai hiam?*

TUESDAY

 Jesu in Sabbath a sianthosak lam na thei hiam? **Luke 4:16** sim in, Sabbath ni simin banghih hiam. Leitung ah a om sungteng Jesu in Sabbath ni mite ading a kibawl ahih lam lakkhia hi. **Mark 2:27** sim in. Jesu in Sabbath ni-a mite huh-in lungdamsak ding nuamsa hi. A nungzuite in zong Sabbath ni deih uh hi. **Luke 23:56** sim in.

Satan in Jesu' nasep deihlo hi. Pharaoh bangin mite pen sal/sila suaksak nuam hi.

Satan' sila hihna pan i suahtak theih nangin Jesu in nakpi-in hanciam hi. Jesu in thukham khat bekbek khatvei na palsat kha hileh, eite khempeuh mangthang tawntung ding i hih lam Satan in thei hi. Ahi hangin Jesu in Satan' khut sungah khatvei zong na kipia lo hi.

Satan kiang panin i suahtak nangin Jesu in bangzah a nasem in na thuak khin cih tel zo ngei kei ni. Satan in khatvei nasia takin na ze-et a, a khua-ul sisan bangin taak keuhkeuh hi. Lipkhap-huai lua hi.

Jesu ei ading kiphah takin hong si hi. I mawhnate Ama a bangin puakhia a, tua in Amah that hi. Ahi zongin a sihna in bang hih lai hiam? **Romans 6:23** sim in. Piansil a Friday masa pen aa Adam le Eve te bangin i kibawlphatkik theih nadingin Amah hong si hi.


Friday nitak lam nitum ma in Jesu pen singkhuam tungah kikhai-lum hi. A sih ma-a a husantawpna tawh hi bangin kiko hi, "A zozo hi!" Amah in a nasep zozo hi. **John 17:4.**

Tua ban-ah, nitum ma in a lawmte in han sungah sial hi. Piansil hun-a piansak nasep a zawh khit Sabbath ni-a a tawlngak bangin tu in a nasep a zawh khit ciang Sabbath ni-in han sungah Jesu tawlnga hi. Tua khit ciangin, a nasep zom dingin Sunday ni-in thokik hi. A tawp dongin Pasion' thukham zui hi. Satan in tua kidona a lel khin hi.



NGAIHSUN-IN: *Jesu sepsate na ngaihsut ciangin Amah it in Ama thupiak sawmte na deih semsem hiam? Banghang in tu mahmah in Amah tungah lungdamko lo ding na hi hiam?*

WEDNESDAY

 Adam le Eve in tuuno masa tawh a biakpiak hun **4** a kipan-in Pasion' mite in Satan' khut sung pan a honkhia ding Pasion Kamciampa, Jesu ngak den uh a, tua pen Sathau-kinilpha (Messiah) ci uh hi.

Bang in naupang numei, pasal leh nunu papate lungdamsak ding cih Jesu in thei hi. Thupiak Sawmte zuihna bek in amaute lungdamna pia ding cih Amah'n thei hi. A tam zaw ah, mite in Ama thukham a zuihloh manun lungdamna nei thei lo uh hi.

Pasion in amaute thupha pia nuam napi, amaute'n phallo uh hi. Tuuno biakpiakna bawl zelzel napi, tua tuuno in Satan leh mawhna pan a honkhia ding Pasion' Tuuno Jesu limla ahih lam mangngilh uh hi. Amau lunggulh in a galte kiang pan a suaktasak dingin galkap honpi tawh Messiah hong pai ding hi a, Satan in a thahat pen a galpa uh ahih lam amaute'n theilo uh hi.

Jesu hong pai lai-in, Israel tate pen Judah-te kici uh hi (Judah minam khat i min hi). Jesu' nu Mary pen Judah minam hi. Tua manin Jesu zong Judahte hi a, Pasion' Tapa zong ahi hi. Ahi zongin Amah pen Judahte lamet bang nahi hetlo hi. Mi khempeuh phial in Jesu pen Messiah hidingin um zolo uh hi.


Jesu si in a thawhkik khit ciangin mi tampite in um pan uh hi. A masa in tuate pen Judah te ahi hi. A sawt loin Judah minam ahi a, ahi kei zongin Khriis a um

Sun	Mon	Tue	Wed	Thu	Fri	Sab
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				


mite khempeuh pen Khristian kici hi. Amaute khempeuh in Sabbath ni siangtho takin tang uh hi.

Tulai Khristian a tamzaw in Sabbath (Saturday) ni a siangthosak uh hiam? Banghang tang lo uh hiam? Jesu pen Sunday ni-in han pan thokik ahih manin mi tampite in tua ni pen biakpiakna ni in zang uh hi. Ahi zongin Jesu pen Sabbath ni in a han sungah tawlna a, Sunday ni in a nasep maban zomkik dingin thokik hi. Amah thawhkik khit ciang-in a lawmte in Sabbath ni tangsuaik lai uhhi. **Sawltak 17:2.**



 **NGAIHSUN-IN:** *Pasian in a Thupiak Sawmte a khel ngei hiam? Khel ngeilo hi! Banghangin Khristian tampite in Sunday ni zangzaw uh hiam? Tua thu zingciang in tawmkhat i kikum ding hi.*

THURSDAY


 Leitung ah Jesu mi bangin hong piankhiat lai-in Judah-te pen gamdangmi Rome te na uk uh hi. Judah-te in Rome mite mudah uh-a, amaute buaisak mahmah uhhi. Tua hangin Rome mite in zong Judah-te mudah uh hi. Rome-te in Judah mite Khristian vive in ngaihsun uh a, nakpi takin bawlsia lai uhhi.

Rome mite pen daw biate hi a, pasian tampi bia uh hi. Jesu' thawhkik zawh kum 240 khit ciangin nipi pen amau' pasian thupipen hong suak hi. Sunday ni pen a thupi "ni" pasian biakna pawl bawlni hong suak hi.


A tawpna ah, Rome ukpi khat ahi Constantine pen amah-le-amah in Khristian kici hi. Ahi zongin ni mah na bia lai hi. Amah'n thukhun khat bawl a, Khristian-te in Sabbath ni in kikhawm khawm thei lai ding, ahi zongin tua ni pen dah ni leh antan ni hi ding ci a, Sunday ni pen Khristian leh milim biate khempeuh adingin pawikham a nopsakna ni hiding hi, ci hi.

Bang piang in na um hiam? Damdam in Khristian tampite in Pasian' Sabbath hong mangngilh uh a, milim biate' Sunday ni hong zangta uh hi. Khristian tampite in amaute Judah mite kici nawn lo dingin ki lamen uh hi.

Bangbang a piang zongin Ama tungah a citak tinten Khristian tawmkhatte hangin Pasian bangzah in a lungdam hiam? **Mangmuhna 2:10.**

 **NGAIHSUN-IN:** *Pasian tungah cihtak ding leh Ama Sabbath ni mah sianthosak ding a teel mi na om tawntung hi. Nangzong amaute lak ah khat hi dingin na teel hiam?*

FRIDAY

 A tuam-a mi khat hong hawh dingin i lamet ciang nuam mahmah hilo i hiam? Na innkuan un bangci kiginkholh nahi uhhiam? Inn na siang-thosak hiam? Na nu anhuan na huh hiam? Puan hoih, puan siangtho silh bek tham lohin na a tuam-tuam na hihkhop ding uh na geelkhol kha ding hi. Tua in Jesu tawh ni khat bup hun nuam zangkawm dinga Sabbath ni a tunkal ding zong i ngaklah tawh kibang hi.


Friday ni a tum ciangin Jesu in eite tawh omkhop ding ngaklah hi. Adam le Eve-te in Amah adawn bangin eite in zong phatna late sa in, Lai Siangtho simkawm in Ama aw ngai in, thungetna tawh Amah i hopih thei hi.

Sabbath zingsang, na mitte na hahma in vanmite in tua ni pen a kaalbup sungah ni-nuampen ni dingin geelkhol in manlah uh hi. Amaute in na thawhbaih ding deih uh hi, tua hileh amaute tawh a hunlap in Sabbath school leh biakinn na paikhawm thei ding hi.

Pasian' biakinn sung na lut ciangin vantungmite bangin zahtak tak-a om ding na phawk hiam?

Sabbath nitak lam ciangin Jesu leh na innkuanpih tengun na hihkhop ding na hoihte na thei khin hiam? Na sepkhop dingte uh lai-in gelhkhia ahikeh mi khat gelhsak lo ding nahiam? Na kipatzia ding a hong huh thei ding pawlkhat ensuk ni:

- Biakinn ah hong leenglate Sabbath nitak annek pih dingin sam in.
- Gam sungah lamsiau dingin geel in.
- A lungleeng a cina mi khat kiangah hawh in.
- Na veng naupangte kiangah Lai Siangtho tangthu genpih in.
- LST kamngah gelhkhia inla, alim tawh zem in.
- Sabbath school ah hong pailo mi khat kiangah "Hong phawk ung," cih lai khak in.

 **NGAIHSUN-IN:** *Thupiak Sawmte' laizang ah thukham om hi. Eden huan laizang ah bang om hiam? **Genesis 2:9** sim in. Adam le Eve in Eden huan sungah singkung nam nihte lakpan a teel mah bangun Jesu hong paikik ma in mi khempeuh in Pasian' thukham zui ding maw, zuilo ding cih a teel kul ding uhhi. Sabbath tanna in a lamdang Pasian' thu mangnuam mah ung cih limlahna hi ding hi. **Ezekiel 20:20.***

FURTHER STUDY: Exodus 20:8–11; *Patriarchs and Prophets*, pp. 307, 308; *The Story of Redemption*, pp. 141, 142; *The Great Controversy*, pp. 433–460; *The Desire of Ages*, pp. 281–289; *Child Guidance*, pp. 527–537.



THE STORY CORNER

Paul i Vasa Naipaakno-khen 1

Adapted from *Scrapbook Stories* by Amy Sherrard

Paul leh a nu pen mizawng tampi a tenkhopna innlui khat sunga inn deineu khat sungah teng uh hi. Paul' pa si khin a, a nu in nisim nek-le-dawn ding leh a innsap piakna dingin nasep hahkat mahmah hi. Paul in a nu a huhtheih nadingin na banglo khat semthei leh ut mahmah hi! Ahi zongin amah pen a khebai hi. Paul pen piankhiat a kipan lampai ngei nai lo a, naupang dangte bangin na sem theilo hi.

Khuavot leh guahzuk ni khat, Paul pen a innde neu uh-a tawlet lam enin tutna ah hong tu hi. A inn gei-a inn-sangpiti i kawmpangte bek mu thei hi. Innte kikal a nuai lam a et ciangin lopa hingte omlo a, paak leh singkungte zong omlo hi. Nin bulom-tang leh laibawm lui honkhat kipaaite mu thei hi.

Thakhat in huih hong nungin guahmal in a innde kawmpi hong deng gawp a, Paul in bangmah mu thei lo hi. Innde tawlet panga kawm tunga innza kizut a kiakhiate en hi. Tua innza kiatna kawmte a singpek kimu thei hi. Guah in tua singpekte kawtsak ahih manin tua tawlet kim tengah tui hong lut seuhseuh hi.

Paul a lungleng in, kamsia kisa hi. A mit ah khitui dim hi. "Kizattheihna ka nei kei hi. Kei sangin a cimawh zaw kuamah om in ka umkei hi. Khat veivei teh piangkha kei zaw mai leng maw," ci hi. Ahi zongin nasep gim-a nuntak hamsa a sa a nu' thu a ngaihsut khak ciangin thakhat-in a lungsim kikhel vat hi. A nu in sun tawntung nasep hahkat in nitak inn hong tun ciangin a maitaizia leh a tapa mel a muh ciangin a lungdamzia-te phawk kha hi.

Huih in tua a kikol tawlet pen kilingsak a, a innde gei aa kalaka-te zong kilok liang hi. Huihpi a etkawm in Paul nungkik hi. Thakhat in a mai lam-ah awn phe in a mit a khituite nul hi. Tua huihpi in a innde tawlet kiu ah bang van khat hong puak hiam? Vasano khat tawh kibang hi. Vasa khat nahi hi. Tua vasa in a tawlet pangah na luai hi.



"Oh, vasa hehpih huai, hong hotkhiat sawm ning!" ci in Paul awng hi. Tawlet hong in a khut dawhkhia hi. A tawlet uh pen nanna neilo in kihong ziau theilo ahih lam mangngilh hi. Tun a gawng mahmah a liang tungah hong kinga ta in nasa mah taleh ama natna phamawh sa lo hi. Tua vasano hotkhiat nading a hanciamna hangin ama thukna mangngilh liang hi.

A masa in huih in tua alau vasano pen a mutkhia ding tawh kibang hi. Ahi zongin huih nundan hong kilaih in vasano pen a innde sungah hong mutphei hi. Tua a gik tawlet pan a pusuah theih phet in Paul in tua a vot leh a kawt vasano pen hong tawm hi. Damtak-in a kha a kawtte hong nulsak hi. Tua ciangin a ang ah tawi hi. Tawlkhat sung, nak phalo phial in a khut sungah om hi. Damdam in vasa hong hinkik khit ciangin Paul pen a kawt lam leh vot a saklam kiphawk pan hi. Bombi le puantungsilh adang neilo ahih manin puanza sungah hong kitun hi. Tua vasa neu pen zong puanza sung ah ompih hi. Khualum leh khuazing sungah vasa hong ihmu hi. Paul in tua vasa tawlna a etkawm ciangin a lungdam mahmah a, amah zong a sawt loin hong ihmu hi. (Zop lai ding)

Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.